

**Okwukwo izi
ke Ebo
Pita
gbarụ**

Nhne gbasiri okwukwo izi ka

Nye gbarụ okwukwo ka mernu ele noobno a nsni mahia nū nye Karaisi obula kwesiri o wu budnu ke notu ogwnu Chiokike (1:3). Be kwesiri o jikwasi ezi oka be nyernu be rikne (1:12).

O doru be aka nū nsni gbasiri ele owhnurninya aghalaghala, nū ele ojo ka bnanam ogbako Chiokike nooduwu ele kweru n'ezi oka. N'anya Chiokike, otu obochi nū lele otu pokwu awaha, otu pokwu awaha nū lele otu obochi. Chiokike za noogbu okwnu nū obita mkwna a lele kpa ele badnu neche. Kovu Chiokike nwernu ndidi k'agida kwnornu nū o masila a nū otu nye mmehie obula joowhu etekne.

Nhne zi n'okwukwo izi ka

Obekwu ikwu nū okpukpe (1:1,2)

Kpa ele sno Nyenwe a kwesiri o wu budnu be (1:3-15)

Igwugwu Karaisi (1:16-21)

Ele owhnurninya aghalaghala (2:1-22)

Nyenwe a jaavariri berere (3:1-18)

¹ Mawa, Saimoni Pita, nye izi nū nye dazisni anya Jizosi Karaisi, naagbaznenu anu okwukwo izi ka, anu ele hiteru n'ome mma Chiokike nū Nye

Ọznohia aị Jizọsi Karaịsi kehịa ọkwnata ovu zị okne ọnu ahịa lele ke aị.

² Oru nụ udno banụ anụ aba kpa anụ neezne nụ ruwhnu naamahia Chiokike nụ Jizọsi Nyenwe aị.

Osukwu ikwu Chiokike

³ Chiokike jiri iknernema a nyee aị kpakara nhne a piuru a jeeji wuru budnu nọtụ ogwnu Chiokike, kpa a zị neezne nụ ruwhnu naamahia nye wam sukwuru aị bna n'igwugwu a nụ ọma mma a.

⁴ Hite n'igwugwu a nụ ọma mma a, o nyernu aị agịda mkwna zị okne ọnu ahịa, ma hite nụ nhne ele ka, anụ kehịa igwe n'oyiyi ke Chiokike, ma anụ gbanahọru nhne ọjọ ke ọwa ka noovuya a.

⁵ Kwnornu nụ otu nhne ka, anụ gbalị nọtukwasi n'olu ọkwnata mkpọma anụ, ọma mma, n'olu ọma mma, anụ tükwasi ọmahia nhne,

⁶ n'olu ọmahia nhne, anụ tükwasi badnụ knernụ ẹhni a, n'olu badnụ knernụ ẹhni a, anụ tükwasi ọsnuta ovu, n'olu ọsnuta ovu, anụ tükwasi ọtu ogwnu Chiokike.

⁷ N'olu ọtu ogwnu Chiokike, anụ tükwasi ọwhnun'anya rụmu nda, n'olu ọwhnun'anya rụmu nda, anụ tükwasi ọwhnun'anya.

⁸ Kwnornu nụ ọ buru nụ anụ nwernu kpakara nhne ka k'agịda, be jeeme anụ buru ele nọornu ẹrnu ọma, naamị mkpuru dụ ọmahia Nyenwe aị Jizọsi Karaịsi.

⁹ Kọvu nye nwée nhne ka kpuru isini, ọ whnụ nhne zị ikere, o chezume nụ be snusnamarnu a nụ mmehie ọknani a.

¹⁰ Kam kpayarụ, rụmu nda m, anụ zịri gnarnag-narna n'ome ikwu Chiokike sukwuru anụ, họhia

anụ bụrụ nhne gwuzosiri rikne. O bụrụ anụ mee kparam, anụ jáadna rịa rịa.

¹¹ Kparam, be jeenye anụ rikne anụ jeeji bna nụ rime ẹli-eze ke zị ọkwnukokwnu ke Nyenwe aị nụ Nye Ọznohia aị Jizọsi Karaịsi.

¹² Kam kpayarụ, me chenwanyannụ anụ kpakara nhne ka ige ọbula, ọ bụ n'ezi nụ anụ magwụ be, anụ gwuzosi rikne n'ezi ọka wam anụ nahiaru.

¹³ M che m nụ o kwesiri ekwesi o chenwanyanụ anụ be kpa me zị kọriri bụdnu.

¹⁴ M magwụ m nụ ige matị m joowopu anọ-ẹhni ka, lele kpa Nyenwe aị Jizọsi Karaịsi kannụ m.

¹⁵ M jaagbalị rikne m, whnụ nụ nga me nwurnu nụ anụ jaazị neechenwanya be.

Igwugwu Karaịsi

¹⁶ O bụo ọtnutnu ruwhere be jiri akoniche tny, nga a mernu anụ mahia ọvva Nyenwe aị Jizọsi Karaịsi, anya aị lawuru whnurnu dudugna a.

¹⁷ O nahiaru ọson'anya nụ igwugwu n'aka Chiokike Nda, nga akpịri Chiokike jiri okne igwugwu dna, kaa, “Ka bụ Nnwọ m me whnurnu n'anya, nye nhne a masiri m.”

¹⁸ A nurnu akpịri ka hi n'oligwe dna, nga aị nụ ya zị n'olu rugwu wam zị nsọ.

¹⁹ Be mernu ikwu-ọnu ele ọwhnurninya wam gwuzosi rikne k'agida, anụ bno nsni nhne be gbarụ, kwnornu nụ ikwu-ọnu be nụ lele tọnji noonwu nụ hne gbarụ ọchichiri. O jaazị kọriri noonwu tem dụ n'ọbochi Jizọsi jaava, iwhne a joonwu nụ rime mkpoma anụ.

²⁰ Ke kakwo kpakara nhne, anụ mahia nụ ọ zá nhne ọwhnurninya ọbula be gbarụ n'okwukwo nsọ ke badnụ nwernu rikne kọwa risi a hite nụ nhne zị n'echiche a.

²¹ Kwnornu nụ ọ zá ọwhnurninya ọbula be jiri echiche badnụ vu, kọvu ele badnụ kwuru ikwu-ọnu Chiokike kpa Enine Nsọ noodu be kwu.

2

Ele zni nhne aghalaghala

¹ Ele ọwhnurninya aghalaghala whuyaru iwhe n'esilawuru ele Izireli, lele kpa ele zni nhne aghalaghala jọowhuya iwhe n'esilawuru anụ. Ele ka jeeji aghigho gwebnanya iznizni ọgha zị ọdo n'odo ke noovuya ẹnwu, be gọnahoru Nyenwe be bụ nye gbaharu be, ele neegweya ọla n'iyi zị ngwa ngwa nụ risi be.

² Agida ele badnụ joosno apna ome ọyi be. Kwnornu nụ nhne be neeme, ele badnụ jookwulu apna ezi ọka.

³ Ele zni nhne ka jeeji ọwho-anya kwu nhne be chehiaru nụ mkpoma be, gweru anụ zụ ahia. Ele ikpe ọmuma be neese be, ọla n'iyi be zá neere anyarna.

⁴ Chiokike sịgbasila ele enine izi ele mernu mmehie, kọvu tubna be nụ rime bẹkwnu rẹnwu, hne be turu be ijigba nụ rime ọchichiri neese ọbochi ikpe.

⁵ Chiokike sịgbasila ọwa ọknani, kọvu dọhia Noa, nye mernu be badnụ ẹsato, nye neezni izi ọma ome mma, nga o gweyarụ mgba-mini ẹli n'ọwa ele máa Chiokike.

⁶ Ọ marnụ ẹli Sodom nụ Gomora ikpe, gweru bẹkwnu rne be lele rẹtnu, mee be buru nhne atụ nyee ele joowu budnu máa Chiokike.

⁷ Ọ dọhiaru Lotu nye mee mma, nye budnu zila rịchna ke ele noolulu iwu ẹli wam mekparụ ẹhni.

⁸ Nye mee mma wam wuru n'esilawuru be, whnụ, nụ masị ọka ojo ke gburu a igbugbu nụ mkpoma.

⁹ Ọ buru kpam, Nyenwe aị magwụ kpa o joodohia ele mee mma nụ rime ọrnurna, nụ kpa ọ jaabita ele ojo nụ rime awhnụwhnu dụ n'ọbochi ikpe,

¹⁰ ke kakwo, ele noosno nhne ruru ọru ke anọ-ẹhni be, neeledna ele nẹchi ẹchi anya.

Be neezni nhne aghalaghala n'anya rikne, ele oknomokno, ele zá nọtụ ogwnu nụ ọkaja ele oligwe.

¹¹ Ọ bụbedi ele enine izi ele gbasiri rikne nụ ele nwernu iknernema karụ ele zni nhne aghalaghala ka, nwée rikne gweru kpari bno ele oligwe nhne nụ ruwhnu Nyenwe aị.

¹² Kọvu ele badnụ ka nookwulu nhne be ghọhiage, be nụ lele anọhia nsni inyo, nhne be keru eke neeme kpa ọ masiri be, be jọonwudne be, gbu be lele anọhia, be la n'iyi.

¹³ Be jaanahia ọgwo ẹrnu nhne ojo be mernu, ọ nọoso be o mee nhne ojo n'iwhnehnie. Be bụ nhne iwhnerne n'esilawuru anụ. Nhne zị nụ mkpoma be bụ nhne ojo kpa be sno anụ neeri wiri nọonwo.

¹⁴ Ome ọyi jiri be n'anya, inwe zá nọogwu be nụ mmehie, be nooduwu mkpoma zá rikne, ele mkpoma be jihiaru n'owho-anya nụ ẹrnu ojo, ele be vuru ọnu.

15 Be ghahieru apna, gharu apna ziri ezi, snornu apna Balam nnwọ Boso, nye whnurnu ọgwo ẹnu nhne ojo n'anya.

16 Kọvu iyinya a bigboru a nu mmehie a, anohia kwu ọka, kwuru ọka n'ibiri n'nkoli ke badnu, chima era nye ọwhnurninya wam.

17 Ele badnu ka nu lele ọmi nwée mini, lele erumeru ruwhere mini noovughari, be bitannu be okne ọchichiri ọkwnukokwnu.

18 Kwnornu nu ọnu be nookwu okne ọka mpako iwhnirniwhno, be naarnabnahna nu rime mmehie ele naagbanahoru budnu ojo.

19 Be neekwe be mkwna o nwernu ẹhni be, kọvu be n'iwuru be bu ọhi agwa ojo noovuya ẹnu. Kwnornu nu nhne ọbula ke megburu badnu, nye wam bu ọhi a.

20 O buru nu be gbanahoru nhne noolulu ke ọwa nga be mahiaru Nyenwe ai nu Nye Ọznohia ai Jizosi Karaisi, be knegidne kwno be nu rime a, o nwegidne be, ọnodi be n'ipne-aznu jọjọbujo karu nu ọpanizo.

21 O ka mma nu be máa apna ome mma karu nu be mahiaru a, be dnashinu iwu nsọ wam be nyernu be aznu.

22 Nhne mernu be gesiri nu elulu wam bu ezi ọka, “Nkita nwarnu rugburu gburu lahna nu nhne ọ nwarnu,” nu “Ezni be hniarnu ẹhni lahnarnu nu rime ọroto.”

3

Ọbochi Nyenwe ai

¹ Ele me whnurnu n'anya, ka bu okwukwo izi ke ebo me naagbanu anu, m naakpali echiche oma nu rime anu.

² Anu chenwanya ikwu-onu ele owhnurninya zi nsọ kwuru, ya nu iwu Nyenwe ai nu Nye Oznohia ai nyernu anu hite n'aka ele izi a.

³ Anu mahia nu mbom nu ele okwa emo jaava n'obochi ipne-aznu, neezne izne n'ano-ehni be.

⁴ Be jaakaa, "Ndaa omezu mkwna ovuva a? Hite nga ele nda ai nwurnu enwu, kpakara nhne zi koriri kpa o zi hite nu okike owa."

⁵ Be ma ama lewhuru anya n'ige wheru ewhe nu Chiokike kwuru oka, oligwe nu owa ziri. O hiri nu rime mini kehia owa hite nu mini.

⁶ O bu masi hite nu mini, ke okne mgba-mini eli, be jiri lulu owa oknani.

⁷ Kovu oligwe nu owa ke zi kitna bu ke o bitaru hite n'ikwu-onu Chiokike wam, o jeeji bekwnu lulu. O bitaru be kwnornu obochi o jeekpe ele ma a Chiokike ikpe, lulu be.

⁸ Kovu ele me whnurnu n'anya, anu chezu otu nhne ka, otu obochi nu hne Nyenwe ai zi nu lele otu pokwu awha, otu pokwu awha nu lele otu obochi.

⁹ Nyenwe ai za naakpa ndnarna n'omezu mkwna a, lele kpa ele badnu neeche, kovu o nwernu ogologo osnuta ovu hne anu zi, kwnornu nu o piole nye obula whu etekne, kovu ma kpakara badnu hi nu mmehie be whuya.

¹⁰ Kovu obochi Nyenwe ai jaava, o jonu lele nye buznu, ele badnu jazi neele anya a. Oligwe jeeji okne mkpakpo gawhe, kpakara nhne zi n'olu jeeji okne bekwnu gbaza. Owa nu kpakara ernu be rnurnu nu rime a jowho iwhne.

11 Kpa a mahīaru n̄u kpakara nhne jaagbaza, ndaa kpa a kwesiri o wu b̄udnu? A kwesiri o wu b̄udnu z̄i ns̄o, ya n̄u ọ t̄u ogwnu Chiokike.

12 Kpa an̄u neele anya ọv̄uva ọbochi Chiokike,* an̄u mee ma ọ va ngwa ngwa, oligwe jaagba b̄ekwnu, kpakara nhne z̄i n'olu jeeji okne okpe b̄ekwnu gbaza.

13 K̄ovu a neele anya oligwe ikne n̄u ọwa ikne, lele kpa o kweru mkwna, ọro ome mma.

14 Kam kpayar̄u, ele me whn̄urnu n'anya, hne an̄u neele anya nhne ka, an̄u gbal̄i ma an̄u z̄iri snam, ele nw̄ée ọtna ọtna, an̄u n̄u Chiokike z̄iri n'udno.

15 An̄u vuru n̄u mkp̄oma n̄u ogologo ọsnuta ovu Chiokike b̄u ọznohia an̄u, lele kpa nnw̄o nda āi P̄olu, nye a whn̄urnu n'anya gbann̄u an̄u n'okwukwo hite n'ak̄oniche Chiokike nyernu a.

16 Ka b̄u nhne o nookwu n̄u kpakara ọkwukwo izi a, nga ọ naagba nhne gbas̄iri nhne ka, o nookwu aḡida nhne siri rikne n'oghohia, ke ele m̄aa nhne n̄u ele ovu be zá kwem n̄okowahie, lele kpa be neeme n̄u nhne berere z̄i n'okwukwo ns̄o, ka b̄u ma be la n'iyi.

17 K̄ovu an̄u, ele me whn̄urnu n'anya, an̄u magw̄u nhne ka, anya d̄u an̄u ẹli, ma nhne ọjo ke ele noolulu iwu ẹli neezni ghar̄u o duhie an̄u, mee an̄u dnahnala n'ogwuzosi rikne an̄u.

18 K̄ovu an̄u z̄iri nooso oso n̄u oru n̄u nhne ọmuma ke Nyenwe āi n̄u Nye Ọznohia āi Jiz̄osi Karāsi. Kpakara igwugwu z̄inu a, k̄itna, d̄u ọkw̄nukokwnu. Am̄im.

* **3:12** M̄obu ọbochi Nyenwe āi jeekpe ọwa n̄u oligwe ikpe

Tesitamenti Ikne n'O_{nu} Ikwere **New Testament in Ikwere**

copyright © 2010 Wycliffe

Language: Ikwere

Translation by: Wycliffe

Ikwere - (ikw) Nigeria

The Iwerre language of Nigeria can also be spelled Ikwere and Ikwerri. This language is spoken primarily by the Ikwerre people who live in the Rivers State of Nigeria and is one of the many ethnic groups in the Niger Delta. There were more than 23,000 speakers of this language in 1973. There is also a considerable local interest in literacy and grammar.

Copyright Information

© 2010, The Nigeria Bible Translation Trust. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789076369

New

The New Testament

in Ikwere

© 2010, The Nigeria Bible Translation Trust.
All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 18 Apr 2025 from source files dated 29 Jan 2022

c17ee3a1-1c7a-5c05-8e0f-5043e8228d89